



INSTITUTE FOR THE RESEARCH OF GENOCIDE
CANADA

Saopćenje Instituta za istraživanje genocida Kanada

Uvreda za žrtve genocida u Bosni i Hercegovini

Toronto, Kanada, 28.06.2012

Smatrajući političku Odluku Sudskog vijeća Međunarodnog krivičnog tribunala za bivšu Jugoslaviju da nema dovoljno dokaza da su srpske snage pod vodstvom Radovana Karadžića izvršile genocid u općinama Bratunac, Foča, Ključ, Prijedor, Sanski Most, Vlasenica i Zvornik uvredom za žrtve agresije na Republiku Bosnu i Hercegovinu i genocida nad njenim građanima, Institut za istraživanje genocida Kanada podsjeća Sudsko vijeće Međunarodnog krivičnog tribunala za bivšu Jugoslaviju i svjetsku javnost da mnogobrojni svjetski relevantni naučno istraživački izvori različite provenijencije pouzdano ukazuju da je na Republiku Bosnu i Hercegovinu izvršena klasična oružana agresija, odnosno zločin protiv mira i sigurnosti čovječanstva, što je po osnovnom shvatanju i definiciji međunarodni oružani sukob i na okupiranim teritorijama nezavisne i univerzalno priznate Republike Bosne i Hercegovine, članice Ujedinjenih Nacija, kao i u gradovima u opsadi, nad njenim građanima je izvršen najteži zločin - zločin genocida.

Institut za istraživanje genocida Kanada informiše svjetsku javnost da nije istina da nije bilo dovoljno dokaza za genocid u navedenim mjestima. Sasvim dovoljno je podsjetiti se tužbe protiv Slobodana Miloševića u kojoj se sasvim jasno nalaze dokazi. Ova politička Odluka će imati nesagledive, negativne posljedice za proces demokratizacije, mira i pomirenja u regionu. Ona još više umanjuje već poljuljani kredibilitet Međunarodnog krivičnog tribunala za bivšu Jugoslaviju.

Imajući u vidu sve intezivnije osporavanje zločina agresije na Republiku Bosnu i Hercegovinu i genocida nad njenim građanima, što može imati negativne implikacije kako za mir i pomirenje u Bosni i Hercegovini, tako i za pravdu i istinu o zločinima uopšte u svijetu, Institut za istraživanje genocida Kanada je počeo sa objavljivanjem serijala pod nazivom: „Da se ne zaboravi“, koji argumentovano na bazi činjenica više naučno istraživačkih institucija informiše svjetsku javnost o zločinima genocida u Bosni i Hercegovini u 15 gradova pod opsadom.

S obzirom na pojačanu egzistencijalnu opasnost za bošnjački narod, oličenu u sistematskom negiranju zločina agresije i genocida postaje neophodno da se objavi formiranje posebne Međunarodne operativne grupe za prevenciju genocida u sastavu Internacionalnog ekspertnog tima Instituta za istraživanje genocida Kanada. Rad na ovome

INSTITUTE FOR THE RESEARCH OF GENOCIDE CANADA

7 Southside Place, Unit 6

Hamilton, Ontario, L9C 7W6

Phone: (905) 385-3606 | www.instituteforgenocide.ca



INSTITUTE FOR THE RESEARCH OF GENOCIDE
CANADA

izuzetno važnom zadatku je pri kraju. Operativna grupa za prevencija genocida će imati isključivu svrhu ispostave i širenja neopozivih, dokazanih, javnih činjenica da je priroda i karakter progona Bošnjaka u period od 1992 do 1995 sa kulminacijom genocida u Srebrenici, imala jednak karakter na cijeloj teritoriji Bosne i Hercegovine, koja je bila izložena direktnoj kontroli političkog režima Radovana Karadžića i njegovih političkih, vojnih i policijskih snaga. Operativna grupa za prevenciju genocida će nastojati dokazati da su srpske političke, vojne i policijske snage operirale kao integralni dio sistematske politike, samoproglašenog, na osnovu rezultata agresije i genocida produkovanog entiteta Republike srpske pod vodstvom Radovana Karadžića; entiteta koji je kasnije nepravedno i uvredljivo za žrtve proglašen kao puni partner Dejtonskog mirovnog sporazuma i kao takav postao legalni sljedbenik svojih predhodnika od ratnog vremena. Činjenice će pokazati da nakane i akcije pod vodstvom Republike srpske će morati biti kažnjene i osuđene zakonom, i da će duboke i trajne ozljede počinjene nad Bošnjacima diljem cijele Bosne i Hercegovine biti zvane svojim pravim imenom, Genocid.

Institut za istraživanje genocida Kanada neće dopustiti da počinitelji genocida u Bosni i Hercegovini budu nagrađeni. Mi ne smijemo ostaviti naše potomstvo u strahu od ponovnog genocida.

Bezbrojni su svjetski dokumenti u korist žrtve agresije i genocida, u korist države Bosne i Hercegovine i njenih građana, što je uglavnom zasluga dijaspore. Institut za istraživanje genocida Kanada poziva bošnjačke političare da te svjetske dokumente pretoče u zahtijev za anuliranje svih rezultata agresije i genocida u Bosni i Hercegovini, uključujući i genocidni, manji entitet. Poruka bošnjačkim političarima – ne pristanite da genocidni entitet nastavi put prema legalizaciji, ne pristanite na uništenje države Bosne i Hercegovine. Dijaspora je uradila svoje. Na red su došli bošnjački političari, koji ne smiju pristati na podjelu državne imovine, niti na etnički popis stanovništva, što uknjižava genocid.

Profesor Emir Ramić

Direktor Instituta za istraživanje genocida Kanada